



Etnedal kommune

Plan og teknisk

Bergene Anlegg As
Etnedalsvegen 2296
2890 ETNEDAL

Administrativt vedtak

Deres ref.:	Vår ref.:	Arkivsak:	ArkivID:	Vår dato:
	SAGKAR - 26/3463	26/650	GBNR- 120/210, K2- M55	01.07.2026

Saksnr.	Utvalg
106/26	Kommunestyret

Vedtak om utsleppsløyve - gnr 120 bnr 210 - Vardefjellvegen 176

Tiltak: Avløpsanlegg
Byggested: Gbnr: 120/210 Vardefjellvegen 176
Tiltakshaver: Lars Terje Grorud
Ansvarlig søker: Va - Prosjekt & Anlegg As

Vedtak

Etnedal kommune godkjenner etablering av avløpsanlegg og utslepp av sanitært avløpsvatn på gnr. 120, bnr. 210. Avløpsanlegget skal etablerast i tråd med *Forskrift om utslipp av avløpsvann fra avløpsanlegg som ikke overstiger 50 pe, Etnedal kommune*.

Utsleppsløyvet gjeld frå vedtaksdato og er gitt med heimel i forureiningsforskrifta § 12-5. Løyve til bygging av avløpsanlegget er gitt med heimel i plan- og bygningslova kapittel 20.

Avløpsanlegget skal bestå av:

- Slamavskiljar for totalavløp på minimum 4 m³.
- Infiltrasjonsgrøft på 12 meter i stadlege massar.

Anlegget skal dimensjonerast for 5 pe og omfatte både svartvatn og gråvatn frå fritidsbustaden.

Vilkår for løyva

- Avløpsanlegget skal etablerast i samsvar med forureiningsforskrifta §§ 12-7 til 12-13 og søknadsdokumentasjonen.
- Anleggseigar er ansvarleg for forureining frå anlegget.
- Slamavskiljaren skal registrerast i Valdres Kommunale Renovasjon sitt tømmesystem og tømmast etter gjeldande tømmerutinar.

Besøksadresse:
Kyrkjevegen 10

Postadresse:
2890 Etnedal

Telefon:
61 12 13 00

Organisasjonsnummer:
933 038 173

E-mail: postmottak@etnedal.kommune.no
www.etnedal.kommune.no

- Tilkomst for tømning må vere sikra, jf. krav til køyreveg, avstand og høgdeforskjell.
- Ferdigmelding skal sendast kommunen før anlegget blir teke i bruk.
- Kommunen kan krevje tilkopling til offentleg vatn- og avløpsanlegg dersom dette blir tilgjengeleg i området.
- Løyvet fell bort dersom arbeidet ikkje er sett i gang innan tre år eller blir stansa i meir enn to år.

Som ansvarleg søker er VA Prosjekt & Anlegg AS, org.nr. 915 965 512, ansvarleg for samordning av dei ulike oppgåvene knytt til tiltaket, og skal sjå til at alle oppgåver er belagt med ansvar.

Saksopplysninger

Lovgrunnlaget

Vedtaket er gjort med heimel i forureiningsforskrifta § 12-5, lokal forskrift om utslepp frå mindre avløpsanlegg i Etnedal kommune og plan- og bygningslova § 20-1.

Informasjon om saka

VA Prosjekt & Anlegg AS søker på vegner av Lars Terje Grorud om utsleppsløype for etablering av nytt avløpsanlegg til eksisterande fritidsbustad på gnr. 120, bnr. 210, Vardefjellvegen 176.

Eigedomen er omfatta av vatn- og avløpsplan for Vardefjell frå 2005, der det for denne tomte er prosjektert tett tank for svartvatn og eige gråvassanlegg. I samband med søknaden er det gjennomført infiltrasjonstest som dokumenterer gode infiltrasjonsforhold på eigedomen. På bakgrunn av dette er det søkt om fullinfiltrasjon av både svart- og gråvatn etter slamavskiljing.

Avløpsanlegget skal bestå av:

- slamavskiljar på minimum 4 m³,
- infiltrasjonsgrøft på 12 meter.

Anlegget er dimensjonert for 5 pe og om lag 600 liter avløpsvatn per døgn. Forventa renseeffekt er minimum 95 % reduksjon av fosfor og organisk stoff. Det er opplyst at det ikkje finst registrerte drikkevassbrønnar innanfor påverknadsområdet.

VA Prosjekt & Anlegg AS, org.nr.: 915 965 512, erklærer ansvarsrett for SØK og PRO.
Bergene Anlegg AS, org.nr.: 919 255 684, erklærer ansvarsrett for UTF.

Tiltaket er nabovarsla utan innvendingar frå varsla partar.

Grunngjeving

Det er søkt om utsleppsløype for nyetablering av avløpsanlegg til eksisterande fritidsbustad. Løyvet er vurdert med heimel i forureiningsforskrifta kapittel 12, lokal forskrift for mindre avløpsanlegg, naturmangfaldlova §§ 8–12, vassforskrifta § 12, kulturminnelova § 3 og plan- og bygningslova kapittel 27 og 30.

Arealbruk og lokalisering

Eigedomen ligg innanfor området som er omfatta av vatn- og avløpsplan for Vardefjell frå 2005. Den opphavlege VA-planen la til grunn tett tank for svartvatn og separat rensing av gråvatn på denne eigedomen.

Det ligg no føre dokumenterte grunnundersøkingar som viser at stadlege massar har tilstrekkeleg infiltrasjonsevne til å etablere infiltrasjonsanlegg for både svart- og gråvatn. Kommunen vurderer at ei slik løysing gir minst like god rensing som den opphavlege løysinga, og at det derfor er grunnlag for å godkjenne avvik frå VA-planen.

DOK-analysen frå 01.07.2026 viser ikkje konflikt med registrerte naturtypar, prioriterte artar, naturvernområde eller registrerte kulturminne. Eigedomen ligg innanfor eit kartlagt viktig friluftslivsområde og innanfor nedbørsfelt til verna vassdrag, men etablering av nytt infiltrasjonsanlegg ved eksisterande fritidsbustad blir ikkje vurdert å medføre vesentleg negativ påverknad på desse interessene.

Vegtilkomst og tilgjenge for tømming

Etter visuell vurdering av kartgrunnlaget er det etablert køyreveg fram til eigedomen.

For å oppfylle krava i forskrift om tømming og tilsyn av mindre avløpsanlegg i Valdres skal:

- det vere køyrbar veg fram til slamavskiljaren,
- avstanden frå oppstillingsplass for tankbil til slamavskiljaren ikkje overstige 15 meter,
- høgdeforskjellen ikkje overstige 5 meter.

Tiltakshavar har ansvar for at desse krava er oppfylte ved ferdigmelding.

Naturmangfald (nml. §§ 8–12)

Kommunen vurderer kunnskapsgrunnlaget etter naturmangfaldlova § 8 som tilstrekkeleg. Det er ikkje registrert naturtypar eller artar med særleg verneverdi innanfor tiltaksområdet. Førre-var-prinsippet i naturmangfaldlova § 9 tilseier derfor ikkje at tiltaket skal avslåast.

Det er heller ikkje dokumentert forhold som tilseier at tiltaket vil medføre uakseptabel samla belastning på økosystemet, jf. naturmangfaldlova § 10.

Vassmiljø og kulturminne

Avløpet skal rensast gjennom slamavskiljar med etterfølgjande infiltrasjon i stadlege massar. NGU sitt lausmassekart viser generelt morenemateriale med låg infiltrasjonsevne. Samtidig ligg det føre infiltrasjonstest utført på den aktuelle eigedomen som viser svært gode infiltrasjonsforhold, med målt synkehastigheit på 5,45 cm/min. Kommunen legg størst vekt på den stadlege grunnundersøkinga, då denne gir eit meir presist grunnlag for vurderinga enn regionale lausmassedata.

Det er ikkje registrert automatisk freda kulturminne eller drikkevasskjelder innanfor påverknadsområdet. Tiltaket blir derfor vurdert å kunne gjennomførast utan vesentleg risiko for skade på vassmiljø eller kulturminne.

Tiltaket er elles vurdert å ikkje vere i strid med friluftsliv eller andre allmenne interesser.

Gebyr

Søknaden gjeld eigedom innanfor godkjend VA-plan. Gebyr for handsaming av søknad om utsleppsløyve er derfor kr 4 500,- i samsvar med Etnedal kommune sitt gjeldande gebyrregulativ.

Høve til å klage

Vedtaket er fatta i medhald av delegasjonsreglementet og kan i medhald av forvaltningslova §§ 28–36 klagast på. Klagefristen er tre veker frå den dagen vedtaket er gjort kjent for dykk. Klaga skal sendast skriftleg til Etnedal kommune. Dersom kommunen ikkje tek klaga til følge, blir saka sendt til klageinstansen for endeleg avgjerd. Du har rett til å gjere deg kjend med sakas dokument etter forvaltningslova §§ 18 og 19.

Med helsing

Kari-Elin Solberg Saglien
Rådgiver

Etter våre rutiner er dette dokumentet godkjent og sendt uten underskrift.